

Հ Ա Շ Վ Ե Տ Վ ՈՒ Թ Յ ՈՒ Ն

Երևանի Վիլյամ Սարոյանի անվան հ. 138 հիմնական դպրոցի ՄԿԱ տնօրենի տեղակալի 2022-2023 ուստարվա 2-րդ կիսամյակի ուսումնադաստիարակչական աշխատանքների

Հիմնվելով ՄԿԱ-ի պաշտոնային պարտականությունների վրա, օգտվելով դպրոցի զարգացման ծրագրից՝ կազմվել է դաստիարակչական աշխատանքի ծրագիր և ներկայացվել է դպրոցի տնօրենի հաստատման: Դպրոցի կոլեկտիվը մեծ պատասխանատվությամբ է նվիրվում աշխատանքին և կատարում իր առջև դրված խնդիրները, որի շնորհիվ լիարժեք ու համակողմանի է դառնում դպրոցական կյանքը:

Երկրորդ կիսամյակի ընթացքում կազմակերպվել և իրականացվել են կրթության և դաստիարակության արդյունավետությանն ուղղված միջոցառումներ, համակարգվել է մասնագիտացված կրթական աջակցության ծառայությունները: Միշտ ուշադրության կենտրոնում է եղել սովորողների դաստիարակչական, արտադասարանական, արտադպրոցական աշխատանքներն ու դասղեկների գործունեությունը: Ինչպես առաջին, այնպես էլ երկրորդ կիսամյակում սերտ կապ ու համագործակցություն է ստեղծվել դպրոցի և սովորողների ընտանիքների միջև: Առանձնակի ուշադրության են արժանացել սոցիալապես անապահով ընտանիքների երեխաները (օգնությունը ծնողխորհուրդների կողմից, անվճար դասագրքերի ստացում): Պատշաճ ձևով կազմակերպվել է սովորողների հանգիստն ու ժամանցը:

Աշխատանք է տարվել սովորողների վարքի կուլտուրայի, վարվեցողության նորմերի և կանոնների ապահովման ուղղությամբ: Հսկողություն է իրականացվել ուսումնադաստիարակչական աշխատանքի ընթացքի, սովորողների առաջադիմության, վարքի և հաճախելիության նկատմամբ:

Աշխատանքներ են տարվել կրթական առանձնահատուկ պայմանների կարիք ունեցող սովորողների կրթության կազմակերպման ուղղությամբ: Դպրոցի աջակցող թիմի հետ համատեղ կազմվել են անհատական ուսուցման պլաններ: Ապահովվել է սովորողի ընտանիքի հետ սերտ կապն ու համագործակցությունը:

Դպրոցի ՄԴԱԿ-ի հետ համատեղ կազմակերպվել է աշակերտական խորհրդի աշխատանքը, պայմաններ են ստեղծվել դպրոցի հասարակական վերահսկողության (աշակերտական հերթապահության և աշակերտական խորհրդի գործունեության) համար:

Պարբերաբար տեղի են ունեցել դասղեկների սեմինար-խորհրդակցություններ, որտեղ քննարկվել են դասղեկների և դասվարների կատարած աշխատանքները, բացահայտվել են աշխատանքում տեղ գտած թերությունները, ցուցաբերվել է գործնական օգնություն:

Կազմակերպվել են բազմաթիվ ու բազմապիսի միջոցառումներ, դասղեկական ժամերին քննարկվել են պլանով նախատեսված թեմաներ: Բոլոր միջոցառումներին, այլ կազմակերպական հարցերին մեծ աջակցություն են ցուցաբերել ծնողական խորհրդի անդամները: Տարվա ընթացքում պարբերաբար տեղի են ունեցել ծնողական խորհրդի նիստեր, որտեղ քննարկվել են դպրոցին և ծնողին հուզող հարցեր:

Աշակերտների արժեքային համակարգի ձևավորման ուղղությամբ տարված աշխատանքները հիմնականում տվել են իրենց արդյունքները: Նրանք մեծ սիրով են մասնակցել դպրոցում կազմակերպվող գրեթե բոլոր միջոցառումներին:

Կազմակերպվել են միջոցառումներ՝ նվիրված տոնական և հիշատակի օրերին: Բացի հիշարժան օրերից, տեղի են ունեցել նաև ուսուցանող և նպատակային այլ միջոցառումներ, ինչպիսիք են համապետական շաբաթօրյակը, ծնողական և աշակերտական խորհուրդների կողմից կազմակերպվող էքսկուրսիաները:

«Անմահները հրամայում են» խորագրով ընթերցանության մրցույթը նվիրվում է Պարույր Սևակի ծննդյան 99-ամյակին:

Մրցույթը մեկնարկել է դեկտեմբերի 1-ից: Ընթացել է 3 փուլով: Առաջին փուլում առանձնացվել է դասարանի լավ ընթերցողների թիմը, երկրորդ փուլում գրադարանում ընտրվել են լավագույնները՝ 5-ից 6 աշակերտ յուրաքանչյուր դասարանից /V-IX/:

Հունվարի 26-ին տեղի ունեցավ եզրափակիչ 3-րդ փուլը, որի արդյունքում պարզնատրվեց յուրաքանչյուր դասարանից լավ ընթերցող մեկ աշակերտ: Մրցույթը կազմակերպել և անցկացրել են դպրոցի գրադարանավար Ա.Պետրոսյանը, ՄԴԱԿ Ա. Հայրապետյանը, հայոց լեզվի ուսուցիչներ:

30.01.23թ. «Մեզ ոչինչ չի հաղթի» խորագրով միջոցառում 9-րդ «բ» դասարանում՝ նվիրված հայոց բանակի օրվան (դասուէկ՝ Թ. Սիմոնյան):

13.02.23թ. Տիրոջն ընդառաջ. 5-րդ ա և բ դասարանի աշակերտներն իրենց դասուէկների՝ Է. Սիրունյանի և Ա. Հայրապետյանի գլխավորությամբ ու ծնողների աջակցությամբ կազմակերպեցին տոնական միջոցառում դպրոցի բակում: Թե՛ տոնական սեղանը, և թե՛ երաժշտական մասը կրում էին օրվա խորհուրդը: Օրը լցվեց ուրախ ու տոնական տրամադրությամբ:

Փետրվարի 15-ին Վ.Սարոյանի անվան հ.138 հիմնական դպրոցում անցկացվեց շախմատի 17-րդ օլիմպիադայի դպրոցական փուլի մրցաշարը: Մասնակցում էին դպրոցի 2-8-րդ դասարանների 32 աշակերտներ: Համառ պայքարից հետո հաղթեցին լավագույն շախմատիստները՝ Խուրշուդյան Էդգար, Վարդանյան Գեղամ, Հակոբջանյան Նարեկ, Ժամկոչյան Մանե:

2008 թվականից ՀՀ և Արցախի հանրապետությունում փետրվարի 19-ը հռչակված է գիրք նվիրելու օր: Մեր դպրոցը ևս անմասն չի մնում օրվա խորհրդից և յուրաքանչյուր տարի Հովհաննես Թումանյանի ծննդյան օրը նշանավորվում է որևէ միջոցառմամբ: Այս տարի ևս անցկացրեցինք միջոցառում «Հարստացնենք մեր գրադարանը» խորագրով: Յուրաքանչյուր դասարան մեկ գիրք նվիրեց դպրոցի գրադարանին, իսկ դասարաններում՝ աշակերտները միմյանց:

Մայրենի լեզվի օրը նշվում է 2000թ.-ի փետրվարի 21-ից որպես մայրենի լեզուների իրավունքների ճանաչման և գործածության օր:

Միրենք ու պահպանենք մեր ոսկեղենիկ մայրենին: 2-րդ ա դասարանի աշակերտները մայրենիի օրը նշանավորեցին «Ազգ, լեզու, հայրենիք» խորագրով գեղեցիկ միջոցառմամբ (դասվար՝ Ա.Մկրտչյան):

Քաղաքացիական պաշտպանության միջազգային օրվա շրջանակներում 2023 թ. մարտի 1-3-ը դպրոցի զինղեկ Արտակ Փամբուխյանը 7-9-րդ դասարաններում անցկացրել է թեմատիկ զրույցներ և վարժանք:

Մարտի 13-ին սարոյանցիները շնորհավորեցին 20-րդ դարի հանճարեղ բանաստեղծ Եղիշե Չարենցի ծննդյան 126-ամյակը: Ներկայացվեց Չարենց

բանաստեղծը, Չարենց մարդը և քաղաքացին: Մեկ անգամ ևս բացահայտվեց և ամբողջացվեց նրա կերպարի ողբերգականությունը, հանճարի մեծությունը և բանաստեղծի ինքնագնահատումը (կազմակերպիչ՝ Ս. Խաչատրյան):

Ապրիլի 3-ին դպրոցում Երևան քաղաքի փրկարարական վարչության, բնակչության պաշտպանության բաժնի ավագ հրահանգիչ փ/ծ մայրը Ա. Կարապետյանը և դպրողի զինղեկ Ա. Փամբուխյանը իրականացրեցին դասախոսություն «Բնակչության վարվելակերպը երկրաշարժի ժամանակ» թեմայով:

Հուշարձանների և տեսարժան վայրերի միջազգային օրվա առիթով դպրոցի տարածքը և տարածքում տեղակայված Վիլյամ Սարոյանի կիսանդրին մաքուր պահելու համար ապրիլի 15-ին կազմակերպեցին մաքրման աշխատանքներ՝ շաբաթօրյակի ձևով (ՄԿԱ, ՄԴԱԿ, աշակերտական խորհուրդ, դասղեկներ):

17.04.2023թ. «Քո արվեստը դպրոցում» մշակութային ծրագրի շրջանակներում մեր դպրոցի աշակերտական խորհուրդը ՄԴԱԿ Ա. Հայրապետյանի ուղեկցությամբ հանդիպեց տաղանդավոր, վաստակաշատ, ժողովրդական արտիստ Ռուբեն Մաթևոսյանի հետ: Հանդիպումն անցավ ջերմ մթնոլորտում:

04.04.-18.04.23թ դպրոցի 1-5-րդ դասարաններում իրականացվեցին դասընթացներ՝ «Քաղաքավարության, վարքի կանոնները դպրոցում» թեմայով (ՄԴԱԿ, դասղեկներ և դասվարներ):

18.04.2023թ.-ին 3-րդ Ա դասարանի սովորողները ներկայացրեցին «Աշխատանքը մայրն է ամեն բարիքի» թեմայով միջոցառումը (դասվար՝ Կ. Հարությունյան):

Միրով արարեց Աստված լույսը, որ նրա մեջ ծաղկի հավատն ու հույսը...

Այս խորին խորհրդով 20.04.23թ. կայացավ 2-րդ բ դասարանի (դասվար՝ Մ. Սաֆարյան) «Գյուղն է կանչել» խորագրով միջոցառումը՝ ողողված ազգային շնչով, մարդկային մաքուր ու բարձր արժանիքներով: Գովելի ու գնահատելի էին դասվար Մ. Սաֆարյանի և երաժշտության ուսուցչուհի Լիանա Ավետիսյանի բազմաբովանդակ աշխատանքը:

21.04.23թ. բարոյականության դաս-միջոցառում 3-րդ բ դասարանում (դասվար՝ Ե. Բարսեղյան) «Բարին կամեցիր, որ հասնես բարուն» վերնագրով: Միջոցառումը ամփոփիչ էր՝ հազեցած հայ բանահյուսության հրաշալի գոհարներով: Թե՛ դպրոցական կուլեկտիվը, և թե՛ ծնողական խորհուրդը բարձր գնահատեցին դասվարի և երաժշտության ուսուցչուհի Լիանա Ավետիսյանի անմնացորդ նվիրումն ու հրաշալի աշխատանքը:

Այց Ծիծեռնակաբերդի հուշահամալիր՝ «Հիշում եմ և պահանջում» ապրիլի 24-ին: Դպրոցի 7-9-րդ դասարանների աշակերտները ծաղիկներ են խոնարհել անմեղ զոհերի հիշատակին:

03.05.2023թ. մեր դպրոցի 8-րդ դասարանցիները դասղեկ Հ. Շուլինյանի և ծնողխորհրդի անդամների հետ մասնակցեցին Երևանի քաղաքապետարանի հանրակրթության վարչության կազմակերպած ճանաչողական արշավին: Երեխաները եղան Շենգավիթ վարչական շրջանի թանգարաններում, երկհարկանի բացօթյա ավտոբուսով շրջեցին Երևանում: Էքսկուրսիան շատ բովանդակալից ու հետաքրքիր էր:

11.05.2023թ Երևանի Գուրգեն Մարգարյանի անվան 94 ավագ դպրոցում անցկացվեց աշակերտական համաժողով՝ նվիրված Երևան քաղաքի հիմնադրման

2805-ամյակին և հայոց մայրաքաղաքներին: Համաժողովին մասնակցեցին նաև Վիլյամ Սարոյանի անվան հ. 138 դպրոցի 7-րդ ք դասարանի աշակերտներ Դավիթ Խուրշուդյանը, Գեորգի Գյուլեցյանը, Գայանե Գրիգորյանը, Մանե Ղանդիլյանը, Եվա Մկրտչյանը: Մեր սաներն արժանացան շնորհակալագրերի:

11.05.2023թ. կայացավ առաջին ք դասարանի (դասվար Հ. Մելոյան) հաշվետու միջոցառումը՝ «Բարև ,ես գիրքն եմ» վերնագրով: Առաջին դասարանցիները բեմական հրաշալի խաղով, հազեցած երաժշտական կատարումներով, բովանդակալից խոսքով ներկայացրին տարվա ընթացքում իրենց ձեռք բերած գիտելիքները: Դպրոցի տնօրեն Լուիզա Հովհաննիսյանը իր գնահատանքի խոսքը հղեց դասվար Հ. Մելոյանին և երաժշտության ուսուցչուհի Լ. Ավետիսյանին՝ ևս մեկ անգամ փաստելով, որ դպրոցը կանգուն է այնքան ժամանակ, քանի դեռ ունի նման հենասյուներ:

12.05.2023թ. առաջին ա դասարանի (դասվար Շ. Տոնոյան) հաշվետու միջոցառումն էր՝ «Հրաժեշտ այբբենարանին» վերնագրով: Երեխաները իրենց հեռուստահաղորդման միջոցով ներկայացնում էին սարոյանցիների հեքիաթային մեկ օրը: Միջոցառումը շատ բովանդակալից, ուրախ ու երաժշտական էր: Դպրոցի տնօրեն Լուիզա Հովհաննիսյանի խոսքը հազեցած էր ջերմ ու գնահատանքի խոսքերով՝ ուղղված դասվար Շ. Տոնոյանին, երաժշտության ուսուցչուհի Լ. Ավետիսյանին և դասարանի ծնողներին՝ դպրոցի կողքին լինելու և աջակցելու համար:

16.05.2023թ. տոն էր 4-րդ ա դասարանում: Աշակերտները (դասուհի՝ Ա. Միրեկանյան) «Միասնական հայրենիք» վերնագրով հրաժեշտի հրաշալի միջոցառում էին ներկայացնում՝ հազեցած սրտառու խոսքով, երգ ու պարով, բեմական խաղով:

19.05.23թ. «Իմ հարազատ դպրոց» խորագրով հերթական միջոցառումն էր մեր դպրոցի կամարների տակ: 4-րդ ք դասարանի աշակերտները (դասուհի՝ Ա. Գևորգյան) գեղեցիկ ու անկրկնելի խաղով, հարուստ խոսքով ևս մեկ անգամ ջերմացրին բոլորիս սրտերը:

22.05.23թ. 8-րդ ա դասարանում (դասուհի՝ Հ. Շուրինյան) դաս-միջոցառում ֆիզիկայից՝ նվիրված մեծ ֆիզիկոս Իսահակ Նյուտոնին: Աշակերտները գեղեցիկ կերպարներով, հումորային դրվագներով ներկայացրին ֆիզիկոսի կյանքն ու գործունեությունը, ընդգծեցին ֆիզիկայի դերը մեր կյանքում:

23.05.23թ. 4-րդ գ դասարանի աշակերտները (դասուհի՝ Ե. Բաղրամյան) «Ես հպարտ հայ եմ, ես անպարտ հայ եմ» խորագրով ներկայացրեցին հրաշալի միջոցառում՝ համեմված երգ ու պարով, բեմական ուրախ դրվագներով: Երեխաները իրենց 4 տարիների սովորածը կարողացան ներկայացնել հավուր պատշաճի:

24.05.23թ. դպրոցական երգչախմբի հաշվետու համերգ-միջոցառում: Երաժշտության ուսուցչուհի Լիանա Ավետիսյանը հրաշալի միջոցառումով, անթերի երաժշտական կատարումով ևս մեկ անգամ դրսևորեց իր մասնագիտական բարձր պատրաստվածությունը, հմտությունը, գործին նվիրվածությունը:

Հաշվետու միջոցառում կազմակերպեց նաև շախմատի ուսուցիչ Մ. Ղազինյանը: Մրցաշարին մասնակցեցին դպրոցի 2-4-րդ և բարձր դասարանների աշակերտներ: Ոգևորությունը մեծ էր, հետաքրքրությունը դեպի շախմատը ավելի լայն շրջանակներ ընդգրկեց: Դպրոցի սաները մասնակցել են նաև շախմատի 16-րդ քաղաքային օլիմպիադային, որն անց է կացվել շախմատի ակադեմիայում: Այնուհետև հունիսի 7-ին, Աջափնյակ վարչական շրջանի շախմատի դպրոցում տեղի ունեցավ շախմատի բաց առաջնությունը, որին մասնակցում էին Աջափնյակի թվով 16 դպրոցների աշակերտներ: Վիլյամ Սարոյանի անվան հ.138 հիմնական դպրոցի թիմը (Ժամկոչյան

Մանե, Հակոբջանյան Նարեկ, Վարդանյան Գեղամ) մասնակցեց առաջնությանը, պատվով հաղթահարեց սուր պայքարը և գրավեց 4-րդ տեղը:

Հունիսի 1-ը երեխաների պաշտպանության օրն էր: Այս օրը մեր դպրոցի կամարների տակ էլ էր մանկության կապույտ թռչունը իր բերկրանքն ու սերը տարածում: Դպրոցի բակում կազմակերպվել էր երաժշտական միջոցառում, սարոյանցիները ողջունեցին աշխարհի մանուկներին՝ ցանկանալով խաղաղություն:

Ուսումնական տարին ավարտվեց, սակայն չավարտվեց դպրոցի աշխատանքը: Սկսվեցին ավարտական քննությունները:

Ուսումնական տարվա ավարտին 9-րդ դասարանցիները բարեհաջող հանձնեցին ավարտական քննությունները և փոխված կարգի համաձայն՝ առցանց կազմակերպվեց նրանց վկայականների հանձնումը:

Դպրոցի աշխատանքները չեն սահմանափակվում նշված միջոցառումներով: Շարունակական և հետևողական աշխատանքի արդյունքում հասնում ենք մեր առջև դրված նպատակին, որն է՝ ապագա քաղաքացու ինքնաճանաչումը, նրա անձի և անհատականության լիարժեք դրսևորումը, զարգացման համար նպաստավոր պայմանների ստեղծումը, ազատ և համակողմանի զարգացած ազգային արժանապատվությամբ և քաղաքացիական գիտակցությամբ օժտված անձի ձևավորումը:

Այսօր առավել, քան երբևէ անհրաժեշտ է ձևավորել ինքնակառավարման, ինքնուրույն գործելու, վերլուծական մտածողության, անսովոր պայմաններում կողմնորոշվելու և որոշումներ կայացնելու կարողություններ և պատասխանատու վարք ունեցող սերունդ:

Դպրոցն այն օղակն է, որտեղ երբեք չի ավարտվում աշխատանքը, այն սկսվում է նոր ավյունով ու նոր մտահղացումներով:

31.08.2022թ.

ՄԿԱ դպրոցի տնօրենի տեղակալ՝

Ս. Խաչատրյան